



Ofisa o Fuainumera Faamauina

Tala o le Tamaoaiga

Kuata o Mati 2018

Aotelega

13 Iulai 2018

Otootoga:

- Siitia le tamaoaiga i le 1.5%.
- Tamaoaiga fua i tau o oloa o le 2009 (real) - \$469.6 miliona
- Tamaoaiga fua i suiga o le tau o oloa i totonu o le kuata (nominal) - WST \$540.1 miliona.

Mataupu o i le ripoti:


Folamua & Aotelega	1
Faapaseneina o le suiga o le tamaoaiga	1-2
Suiga o le Tamaoaiga	2
Faapaseneina o le sao o Vaega Maoti i le tamaoaiga.	2
Tamaoaiga o Mati 2018	3-9
Iloiloga o le Tamaoaiga ma Atina'e mo le	10
Pepa Faaopoopo - Tamaoaiga i ona Vaega Maoti	

E 1.5% na siitia ai le tamaoaiga i le kuata o Mati 2018. O le aofaiga o le tamaoaiga pe a fua i tau o oloa o le 2009 (real GDP) e \$469.6 miliona, o le fa'aono ai lea ona o'o le tamaoaiga i lea mauiluga pe a iloilo le gasologa o kuata ma tausaga ua mavae. O le tulaga lelei o le tamaoaiga ia Mati e afua mai ona o le lelei i le gasologa o le tamaoaiga a vaega maoti e pei o le Vaega o Auunaga, Vaega o Oloa Gaosi faapea le maoa'e o le sao o le vaega o Fefaatauaiga i le tolu masina pau mai ia Mati 2018. O lea tulaga lelei ua faaitiitia ai le aafiaga i le tamaoaiga ona o le faaletonu o le tamaoaiga maua a le Vaega 1—Faatoaga ma Faigafaiva ma isi vaega sa faaletonu ona o aafiaga o le afa o Gita.

Suiga o le Tamaoaiga:

O le aofaiga o le tamaoaiga na faamauina mo le kuata o Mati 2018 e \$469.6 miliona (real GDP), siitia lea i le 1.5% pe a fua ia Mati 2017. Ae 0.4% na toe suia ai le siitaga o le tamaoaiga ia Tesema 2018 pea fua atu i le kuata o Tesema 2017.


Kalafi 1: Tamaoaiga ma suiga, Mati 2015 - Mati 2018



O le kalafi I o lo'o faamanino ai le gasologa mai o le tamaoaiga ma ona suiga i pasene e amata mai ia Mati 2015 - Mati 2018. O lo'o faamauina ai le mauiluga o le siitaga mo le kuata o Mati 2018, e afua lea ona o le lelei o le tamaoaiga maua mai i vaega tetele aemaise

lava Vaega 3—Vaega o Auunaga. E 6 mai le 9 vaega na faamauina a latou siitaga mo le kuata o Mati 2018 e aofia ai ma le 6.5 pasene o le siitaga o le tamaoaiga maua mai i le Vaega o Fefaatauaiga i meaai, vai inu, sikareti, mea-aoga ma faatauga o taavale afi. Ae le gata i lea, e 2 vaega i lalo o le Vaega 2—Vaega o Oloa Gaosi ma Galuega tetele na faamauina a latou siitaga i totonu o le kuata. O le lelei o le tamaoaiga a vaega maoti nei ua siitia ai foi ma tupe maua mai lafoga i luga o tau o oloa ma auunaga (VAGST) i le 5.3%, lea e 29.9% o tupe maua e mai i lafoga (VAGST).

Kalafi 2: Faapaseneina o le sao o Vaega Maoti taitasi i le tamaoaiga, Kuata o Mati 2018



O loo faamanino mai i le kalafi 2 pasene o saofaga a vaega maoti o le tamaoaiga i le siitaga e 1.5% o le tamaoaiga ia Mati 2018. O vaega maoti e aofia ai Vaega o Fefaatauaiga (siitia i le 2.2 pasene), Vaega o Auunaga a tagata taitoatasi ma Isi (siitia i le 0.9 pasene), Vaega o Galuega Tetele (siitia i le 0.8 pasene), Vaega o Auunaga Faapisinisi (siitia i le 0.6 pasene) ma le Vaega a le Malo (siitia i le 0.6 pasene) na tele lo latou sao ile suiga o le tamaoaiga. O isi Vaega maoti e pei o le Vaega o Fale-talimalo ma Faleaiga, Vaega o Gaosia Mea taumafa ma Vai inu ma le Vaega o e umia fale na faamauina a latou siitaga laiti i totonu o le piriota o loo iloiloaina.


E ui i ia tulaga lelei na ausia, sa i ai foi vaega maoti na faamauina le pau o lo latou sao i le suiga o le tamaoaiga

e aofia ai le Vaega o Isi Oloa Gaosi, Vaega o Faatoaga, Vaega o Auaunaga Faa-faletupe, Vaega o Faigafaiva, Fesootaiga, Felauaiga ma le Vaega o le Eletise ma le Suavai i pasene e -1.9, -0.7, -0.6, -0.5, -0.4, -0.2 ma le -0.2. O le faaletonu ai o nisi o vaega maoti ona o lo latou tulaga lamatia I faalavelave faalenatura e pei o le afa o Gita sa afia ai le atunuu ia Fepuari 2018. O le afa sa tele se faaleagaina i meatotino e pei o fale ma aseta a le malo, faatoaga, faigafaiva, eletise, suavai, felauaiga i le ea, laueleele ma le sami faapea ma fesootaiga. Ma o le taimi muamua foi lea ua faamauiina ai le pau maualalo i le Eletise ma le Vai i le maea ai o le valu kuata sosoo o lelei ma agai pea I luga.

Aotelega o le tamaoaiga, fua i le tau o oloa i totonu o le kuata (Nominal):

O le aofaiga o le tamaoaiga mo le kuata o Tesema 2017 pe a fua i suiga o le tau o oloa i totonu o le kuata e \$540.1 miliona, siitia lea i le 1.3% mai ia Mati 2017. E mafua lea ona o le siitia o tamaoaiga maua mai i vaega o fefaatauaiga, vaega a le Malo, vaega o auaunaga a tagata taitoatasi ma isi, vaega o auaunaga faapisinisi, faleaiga ma faletalimalo ma le vaega o e umia fale i pasene e 2.9%, 1.1%, 0.9%, 0.6%, 0.3% and 0.1% pe a fua i kuata o Mati 2017.

Kalafi 3: Pasene o Vaega Maoti, Kuata o Mati 2018




I le kalafi 3, o loo vaevaeina ai pasene a vaega maoti taitasi mo le kuata o Mati 2018. O loo tumau pea le tele o le sao o le Vaega 3 i le tamaoaiga e 61.1% siitia lea i le 4.6% pe a fua i le kuata lava lea o le tausaga ua mavae. O le siitia pea o le tamaoaiga maua e mafua lea ona o le lelei o tamaoaiga maua mai i le vaega o fefaatauaiga i lona sao e 56.8% i totonu o le aotelega o le tamaoaiga a le vaega 3. E lona lua ai le Vaega 2 (Vaega mo Oloa Gaosi) e 20.2%; e 9.5% ua pau ai pe a fua ia Mati 2017 ona o le faaletonu o le tamaoaiga maua mai vaega o le suavai ma le eletise ma le vaega o isi oloa gaosi ona o le tapunia o le kamupani o le Yazaki, o se kamupani sa tele lona sao i le tamaoaiga maua a le vaega.

O le Vaega 1 - Faatoaga ma Faigafaiva o loo agai pea i lalo lona tamaoaiga ua faaitiitia i le 13.9% lona sao pe a fua i le kuata lava lenei o le tausaga 2017. E 12.7% na agai ai i luga le sao a le Vaega a le Malo ia Mati 2018.

Iloiloga o le sefululua masina: (Aperila 2017 - Mati 2018)


I le maea ai o le 12 masina talu ai (Ape 17—Mati 18), na faamauiina ai le aofaiga atoa o le tamaoaiga pe a fua i suiga o tau o oloa i totonu o le tausaga i le \$2,172.4 miliona, sa siitia i le 1.9% pe a fua i le tausaga pau mai ia Mati 2017. O le fua faatatau o le tamaoaiga i le aofai o tagata (GDP pe capita) e \$10,987, siitia lea i le 1.2% ma ia Mati 2017. O le aofai o le tamaoaiga pe a fua i tau o oloa o le tausaga faavae 2009 e \$1,883.2 miliona, pau i le 0.3% mai i le tausaga ua mavae.

Kalafi 4: Gasologa o le Tamaoaiga, Mati 2014—Mati 2018



O loo faamanino e le kalafi 4 le gasologa o le tamaoaiga o Samoa mai ia Mati 2014 - Mati 2018. A silasila i ai, e fa tausaga sosoo o loo agai pea i luga le tamaoaiga mai le tausaga faaletupe 2013/14 - 2016/17. Ae ui i lea, ina ua oo mai ia Mati 2018 na faamauiina ai le pau e 0.3%. E mafua lea ona o le maualalo sa oo i ai le tamaoaiga i kuata o luni ma Setema o le 2017. O vaega sa faaletonu e aofia ai le vaega o isi oloa gaosi, faigafaiva, auaunaga tau tupe ma le vaega o felauaiga i o latou sao e -1.8, -1.2, -0.4 ma le -0.3 pasene i le suiga o lea tamaoaiga i le 12 masina talu ai. O le lona lua ai lea o tausaga o maualalo pea le tamaoaiga maua mai i vaega o faigafaiva ae o le taimi muamua mo le vaega o isi oloa gaosi, auaunaga tau tupe ma le vaega o felauaiga. O le kalafi 5 o loo aumaia ai le aotelega o sao a vaega maoti taitasi i le tamaoaiga e -0.3% mo le tausaga e faapau mai ia Mati 2018.

Kalafi 5: O le sao a Vaega Maoti i le tamaoaiga mo le tausaga faaiiina ia Mati 2018




Iloiloga o Vaega Maoti taitasi

VAEGA O FAATOAGA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	43,437	39,926	41,785	4.7	-3.8
Tamaoiga (fua ile tausaga 2009) Tala Samoa (\$'000)	37,505	34,090	34,445	1.0	-8.2
Saofaga ile tuufaatasiga faaletausaga (gasologa o le tamaoiga i pasene)	1.5	-0.4	-0.7		
Saofaga ile tuufaatasiga faa-lekuata (tamaoiga i pasene)	8.1	7.1	7.7		

Kalafi 6: Suiga i Pasene o le Vaega o Faatoaga (fua ile tausaga e 2009), Mati 2015 - Mati 2018

O le vaega o Faatoaga sa tele le afaina i le afa ia Fepuari. E \$34.4 miliona le aofaiga o le tamaoiga maua mai i faatoaga fua i le tausaga 2009. Ua faaititia lea i le 8.2% pe a fua ia Mati o le 2017. O le lua ai lea o kuata sosoo o loo agai pea i lalo ma faaletonu le tamaoiga mai i lea vaega. Ua o gatasi lea ma le faaititia o fua o faatoaga faatau atu i maketi a le atunuu ia Mati 2018 e pei o le talo (pau i le 7.4%), taamu (pau i le 15%), fai (pau i le 35.1) ma ulu (pau i le 17.4%) pea fua atu ia Mati 2017. O lafumanu sa maitauina le alu i lalo i le 3.1% ma fua faatoaga auina atu i atunuu i fafo na faaititia i le 2.4%.




FAIGAFAlVA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua i le kuata Mati 2018
Tamaoiga (fua kuata) Tala Samoa (\$'000)	16,978	15,425	10,901	-29.3	-35.8
Tamaoiga (fua ile tausaga 2009) Tala Samoa (\$'000)	9,687	10,306	7,295	-29.2	-24.7
Saofaga ile tuufaatasiga faaletausaga (gasologa o le tamaoiga i pasene)	-1.4	-1.7	-0.5		
Saofaga i le tuufaatasiga faa-lekuata (tamaoiga i pasene)	3.2	2.7	2.0		

Kalafi 7: Suiga i Pasene o Faigafaiiva (fua i le tausaga e 2009), Mati 2015—Mati 2018

Na faaletonu foi le tamaoiga maua i le vaega o faigafaiiva. Ua atagia ai le pau o le aofai o le ia e auina atu i fafo i totonu o le piriota i le 31.6% faapea foi le faaititia o ia o loo faatauina i maketi a le atunuu. E -0.5 pasene le sao a le vaega o faigafaiiva i le suiga o le tamaoiga faatasi ma lona sao e 2.0 pasene i le aofaiga o le tamaoiga (nominal GDP).

O faafitauli o loo feagai pea ma le vaega e pei o le suiga o le tau, avanoa i maketi mo fefaatauaiga aemaise o afa e aafia ai le atunuu ua fai ma toatuga i le tamaoiga maua a le nei vaega maoti.




Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	18,799	20,891	19,573	-6.3	4.1
Tamaoiga (fua ile tausaga 2009) Tala Samoa (\$'000)	15,903	17,349	17,501	0.9	10.0
Saofaga ile tuufaatasiga faaletausaga (gasologa o le tamaoiga i pasene)	0.1	-0.3	0.3		
Saofaga ile tuufaatasiga faa-lekuata (tamaoiga i pasene)	3.5	3.7	3.6		

Kalafi 8: Tamaoiga maua mai Oloa Gaosi o Meai & Vai Inu ma le suiga mai i kuata taitasi i pasene, Mati 2015 - Mati 2018

O le aofaiga o le tamaoiga maua mai i le Vaega o Gaosia Meai ma Vai inu e \$17.5 miliona mo le kuata o Mati 2018. A fua ia Mati 2017 ua siitia lona tamaoiga i le 10.0%, o le taimi muamua lea ua toe oo ai le tamaoiga maua mai i lea vaega i lea mauuluga i le maea ai o kuata e tolu ua mavae o agai pea i lalo.

O lea tulaga mauuluga ua o gatasi lava ma le siitia o oloa gaosi i totonu o le atunuu i le 29.8% i le kuata o Mati 2018.




VAEGA O ISI OLOA GAOSI	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	32,232	23,433	21,287	-9.2	-34.0
Tamaoiga (fua ile tausaga 2009) Tala Samoa (\$'000)	28,298	19,442	19,607	0.9	-30.7
Saofaga ile tuufaatasiga faaletausaga (gasologa o le tamaoiga i pasene)	1.2	-2.1	-1.9		
Saofaga ile tuufaatasiga faa-lekuata (tamaoiga i pasene)	6.0	4.1	3.9		

Kalafi 9: Tamaoiga maua mai le Vaega o isi Oloa Gaosi, Mati 2015 - Mati 2018

I tau o oloa o le 2009, o le aofaiga o le tamaoiga mo le vaega i le faaiuga o le kuata e \$19.6 miliona. Ua faaititia lea i le 30.7% pe a fua i le aofaiga sa iai ia Mati 2017 e \$28.3 miliona. O le tulaga faaletonu pea o le tamaoiga maua mai le vaega ua saga faauau ai pea le agai i lalo o lona sao i le tamaoiga o le atunuu i le 1.9 pasene mo le kuata o Mati 2018.

A fua i le paleni sa iai ia Tesema 2017, tamaoiga maua mai i lea vaega sa agai i luga i nai pasene e 0.9%. I lona aotelega, o le fa ai lea o kuata sosoo o loo tulaga faaletonu pea le tamaoiga maua a le vaega o Isi Oloa Gaosi.




Iloiloga o Vaega Maoti taitasi

GALUEGA TETELE	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	45,911	58,052	48,635	-16.2	5.9
Tamaoiga (fua ile tausaga 2009) Tala Samoa (\$'000)	41,986	53,960	45,722	-15.3	8.9
Saofaga ile tuufaatasiga faaletausaga (gasologa o le tamaoiga i pasene)	-2.2	0.9	0.8		
Saofaga ile tuufaatasiga faa-lekuata (tamaoiga i pasene)	8.6	10.3	9.0		

Kalafi 10: Tamaoiga maua mai le Vaega o Galuega Tetele ma le suiga mai i kuata taitasi i pasene, Mati 2015 - Mati 2018

E \$45.7 miliona le aofaiga atoa o le tamaoiga maua mai i galuega tetele pe a fua i tau o lola o le 2009 ia Mati 2018, ua faamauina ai foi le siitaga e 8.9% pe a fua i le kuata lava lenei o le tausaga ua mavae. O le Vaega o Galuega Tetele e lona tolu i le faasologa o vaega e aupito sili ona tele lo latou sao i le tamaoiga a le atunuu mo le kuata lava o Mati 2018. O le agai i luga o le tamaoiga mai lea vaega maoti, o loo o gatasi lava ma atinae tetele sa faatinoinaia Mati 2018 e pei o le falepuipui fou i Tanumalala ma le malae vaalele faavaomalo i Faleolo ma isi. A fua ia Tesema 2017, e 15.3% na faaititia ai le tamaoiga i le vaega maoti. Ae o loo tumau pea i le tulaga lua i le faatulagaga o vaega tetele i le aotelega o le tamaoiga o le atunuu.




ELETISE MA SUAVAI	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	22,248	22,479	19,840	-11.7	-10.8
Tamaoiga (fua ile tausaga 2009) Tala Samoa (\$'000)	19,326	20,281	18,571	-8.4	-3.9
Saofaga ile tuufaatasiga faaletausaga (gasologa o le tamaoiga i pasene)	0.0	0.5	-0.2		
Saofaga ile tuufaatasiga faa-lekuata (tamaoiga i pasene)	4.2	4.0	3.7		

Kalafi 11: Tamaoiga maua mai le Vaega o Eletise & Suavai Mati 2015 - Mati 2018

O le vaega o le Eletise ma le Suavai na faamauina le tamaoiga maua mai e \$18.6 miliona, ua pau i le 3.9% mai le tausaga ua mavae. O le mafuaaga lea ua faaititia ai foi ma lona sao i le atinae o le tamaoiga i le 0.2 pasene. O le taimi muamua lea ua pau ai le tamaoiga maua mai ile Eletise ma le Suavai i le maea ai o kuata e valu o le tulaga maualuga sa iai e amata mai ia Mati 2016.

O vaega nei sa aupito sili ona aafia i le afa ia Fepuari, ma sa faamauina ai foi le pau o le aofaiga o le eletise sa gaosia i le 17.0% pe a fua i le tausaga ua mavae. E 3.7 pasene le sao o le vaega i le tamaoiga o Samoa.




Iloiloga o Vaega Maoti taitasi

FEFAATAUAIGA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	171,983	179,783	187,260	4.2	8.9
Tamaoiga (fua ile tausaga 2009) Tala Samoa (\$'000)	154,220	156,195	164,265	5.2	6.5
Saofaga ile tuufaatasiga faaletausaga (gasologa o le tamaoiga i pasene)	2.3	0.9	2.2		
Saofaga ile tuufaatasiga faa-lekuata (tamaoiga i pasene)	32.3	31.8	34.7		

Kalafi 12: Tamaoiga maua mai i Fefaatauaiga ma le suiga mai i kuata taitasi i pasene, Mati 2015 - Mati 2018

la Mati 2018, e 2.2 pasene le sao a le vaega o fefaatauaiga i le aotelega o le tamaoiga o le atunuu. O le aofaiga o lona tamaoiga (real terms) e \$164.3milion, siitia lea i le 6.5% pe a faatusatusa ia Mati 2017. A iloilo le gasologa mai o kuata, o le taimi muamua lea ua ausia ai e le vaega lea tulaga maua ma saga faatumauiina ai pea le avea ma vaega numera tasi e tele lona sao i le tamaoiga i le 34.7 pasene. E 5.2% e maua ai pea fua ia Tesema 2017. E tele vaega sa tofu sao i le tamaoiga a le vaega, e pei o le siitaga i tupe maua mai i turisi i le 12.5% ma le siitaga e 48.3% i tupe faameaalofa mai i aiga o i atunuu mamao. Atonu o le tele o tupe lafo mai i aiga i fafo sa mafuli lava i fesoasoani mo aiga ona o aafiaga o le afa ma ua fai ma auala e faatupuina ai le tamaoiga maua a le vaega ma faaitiitia ai le aafiaga o le tamaoiga ona ole faaletonu mai o isi vaega maoti.




FALETALIMALO MA FALEAIGA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	7,624	15,082	9,379	-37.8	23.0
Tamaoiga (fua ile tausaga 2009) Tala Samoa (\$'000)	6,767	12,855	8,146	-36.6	20.4
Saofaga ile tuufaatasiga faaletausaga (gasologa o le tamaoiga i pasene)	-0.1	0.4	0.3		
Saofaga ile tuufaatasiga faa-lekuata (tamaoiga i pasene)	1.4	2.7	1.7		

Kalafi 13: Tamaoiga maua mai i Falelimalo & Faleaiga ma le suiga mai i kuata taitasi i pasene, Mati 2015 - Mati 2018

E \$8.1 miliona le aofaiga o le tamaoiga a le vaega, ua siitia ai i le 20.4% mai le kuata o Mati 2017. O le tasi lea o vaega sa tele lona sao i le suiga o le tamaoiga i lona aofai e 0.3 pasene ma lona sao i le aotelega o le tamaoiga e 1.7%. E ui i lea tulaga lelei, e na o le 60% sa ausia e le vaega pea fua atu i lona tamaoiga sa ausia i kuata mulimuli e lua o le 2017.

E o gatasi ia siitaga ma le agai foi i luga o le numera o tagata tafafao maimoa mai fafo i le 22.0% i totonu o le kuata o Mati 2018. Ae peitai, a fua i le kuata o Tesema 2017, e 36.6% na pau ai.




Iloiloga o Vaega Maoti taitasi

FELAUAIAGA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	25,797	27,361	24,892	-9.0	-3.5
Tamaoiga (fua ile tausaga 2009) Tala Samoa (\$'000)	22,544	23,602	21,645	-8.3	-4.0
Saofaga ile tuufaatasiga faaletausaga (gasologa o le tamaoiga i pasene)	0.0	0.5	-0.2		
Saofaga ile tuufaatasiga faa-lekuata (tamaoiga i pasene)	4.8	4.8	4.6		

Kalafi 14: Tamaoiga maua mai le Vaega o Felauaiga ma le suiga mai i kuata taitasi i pasene, Mati 2015 - Mati 2018

O le vaega o felauaiga e \$21.6 miliona le aofai o le tamaoiga pe a fua i le tau o oloa sa iai i le 2009, o lea aofaiga ua agai i lalo i le 4.0% mai ia Mati 2017 ae faaitiitia lona sao i le suiga o le tamaoiga i le 0.2 pasene.


O lea faaletonu ona o aafiaga sa iai i le vaitau o le afa, na tapunia uma ai malae vaalele ma uafu ona o le malosi o le afa. O le mafuaaga foi lea o le pau ai i le 8.3% pea faatusa atu ia Tesema 2017.



FESOOTAIAGA	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	21,989	24,106	19,581	-18.8	-10.9
Tamaoiga (fua ile tausaga 2009) Tala Samoa (\$'000)	19,105	20,390	17,223	-15.5	-9.9
Saofaga ile tuufaatasiga faaletausaga (gasologa o le tamaoiga i pasene)	-0.4	0.6	-0.4		
Saofaga ile tuufaatasiga faa-lekuata (tamaoiga i pasene)	4.1	4.3	3.6		

Kalafi 15: Tamaoiga maua mai i Fesootaiga ma le suiga mai i kuata taitasi i pasene, Mati 2015 - Mati 2018

Na faamauina le pau ai o le tamaoiga mai leni vaega i le 9.9% mai ia Mati 2017. O le kuata muamua lea ua alu ai i lalo i le tuana'i ai foi o kuata e lua sa tulaga maualuga ai. E -0.4 pasene le sao o le vaega i le suiga o le tamaoiga ia Mati 2018, ma ua faaitiitia ai lona sao i le aoteleaga o le tamaoiga i le 0.5 pasene mai le 4.1 pasene. A fua i suiga o tau o oloa i totonu lava o le kuata (nominal terms), e \$19.6 miliona le aofaiga o le tamaoiga a le vaega, ua faaitiitia foi i le 10.9% mai le kuata o Mati 2017. O le tasi foi lea o vaega maoti sa tele lona aafiaga i le afa o Gita ona o le motusia ai o fesootaiga.




Iloiloga o Vaega Maoti taitasi

AUAUNAGA FAAPISINISI	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	11,876	16,538	15,179	-8.2	27.8
Tamaoiga (fua ile tausaga 2009) Tala Samoa (\$'000)	11,904	16,433	14,752	-10.2	23.9
Saofaga ile tuufaatasiga faaletau- saga (gasologa o le tamaoiga i pasene)	-0.2	0.5	0.6		
Saofaga ile tuufaatasiga faa-le- kuata (tamaoiga i pasene)	2.2	2.9	2.8		

Kalafi 16: Tamaoiga maua mai le Vaega o Auaunaga Faapisinisi ma le suiga mai i kuata taitasi i pasene, Mati 2015 - Mati 2018

E \$14.8 miliona le aofai o le tamaoiga maua mai i le vaega o auaunaga faapisinisi pe a fua i tau o oloa sa iai i le 2009. O le lona lua ai lea o kuata o loo agai pea i luga le tamaoiga a le vaega maoti i le tuanai ai o nai kuata o tulaga faaletonu.

E 0.6 pasene le sao a le vaega maoti i le suiga o le tamaoiga, faapea foi ona siitia lona sao i le tamaoiga i lona tuufaatasiga mai i le 2.2% ia Mati 2017 i le 2.8% ia Mati o le tausaga nei. O le siitia o le tamaoiga ua atagia ai le faatuputupulaia pea o nei auaunaga a le vaega tumaoti ma vaega faapisinisi o loo faaogaina e le mamalu lautele. A fua i le kuata o Tesema 2017, e 10.2% ua mauualalo ai le kuata o Mati 2018.




AUAUNAGA TAITOATASI & ISI	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	28,923	33,771	33,749	-0.1	16.7
Tamaoiga (fua ile tausaga 2009) Tala Samoa (\$'000)	26,279	30,135	30,410	0.9	15.7
Saofaga ile tuufaatasiga faaletau- saga (gasologa o le tamaoiga i pasene)	0.6	0.6	0.9		
Saofaga ile tuufaatasiga faa-le- kuata (tamaoiga i pasene)	5.4	6.0	6.2		

Kalafi 17: Tamaoiga maua mai le Vaega o Auaunaga a Tagata Taitoatasi ma Isi Auaunaga, Mati 2015 - Mati 2018

I le maea ai o le kuata faaiuina ia Mati 2018, o le aofaiga o le tamaoiga sa faamauina e \$30.4 miliona, siitia lea i le 15.7 pasene mai ia Mati 2017 ae 0.9 pasene lona sao i le suiga o le tamaoiga i le piriota. A fua ia Tesema 2017, na agai foi i luga i le 0.9 pasene.

A fua i suiga o tau o oloa i totonu lava o le kuata, e 16.7 pasene na agai ai i luga mai ia Mati o le tausaga ua mavae.




Iloiloga o Vaega Maoti taitasi

VAEGA A LE MALO	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	42,312	46,243	48,329	4.5	14.2
Tamaoiga (fua ile tausaga 2009) Tala Samoa (\$'000)	32,960	34,412	35,823	4.1	8.7
Saofaga ile tuufaatasiga faaletausaga (gasologa o le tamaoiga i pasene)	-0.2	0.2	0.6		
Saofaga ile tuufaatasiga faa-lekuata (tamaoiga i pasene)	7.9	8.2	8.9		

Kalafi 18: Tamaoiga maua mai le Vaega a le Malo ma le suiga mai i kuata taitasi i pasene, Mati 2015 - Mati 2018

E lona tolu le Vaega a le Malo i le faagasologa o vaega maoti e tele lo latou sao i le aotelega o le tamaoiga i lona aofaiga e 8.9%. O le aofaiga o le tamaoiga e \$35.8 miliona mo le kuata o Mati 2018. A fua ia Mati 2017, ua siitia lona tamaoiga i le 8.7% ma lona sao e 0.6 pasene i le suiga o le tamaoiga.

E 14.2 pasene na siitia ai le tamaoiga maua mai i le vaega (pe a fua i le suiga o le tau o oloa i totonu o le kuata) mai ia Mati 2017. E afua lea siitaga o ona o le siitia o totogi i le 10.4 pasene i totonu o le kuata.




AUAUNAGA FAA-FALETUPE	Tamaoiga Mati 2017	Tamaoiga Tesema 2017	Tamaoiga Mati 2018	Suiga i % fua i le kuata Tesema 2017	Suiga i % fua ile kuata Mati 2018
Tamaoiga (fua kuata) Tala Samoa (\$'000)	24,265	23,567	19,191	-18.6	-20.9
Tamaoiga (fua ile tausaga 2009) Tala Samoa (\$'000)	17,439	18,303	14,604	-20.2	-16.3
Saofaga ile tuufaatasiga faaletausaga (gasologa o le tamaoiga i pasene)	0.2	-0.5	-0.6		
Saofaga ile tuufaatasiga faa-lekuata (tamaoiga i pasene)	4.6	4.2	3.6		

Kalafi 19: Tamaoiga maua mai ile Vaega o Auaunaga Faa-faletupe ma le suiga mai i kuata taitasi i pasene, Mati 2015 - Mati 2018

E 16.3% na pau ai le tamaoiga maua a le vaega maoti ia Mati 2018. O le aofaiga o lona tamaoiga na faamauina mo Mati 2018 e \$14.6 miliona (real terms).

O le tulaga faaletonu ai o le tamaoiga maua a le vaega ua atagia ai le faaitiitia o manaoga tau tupe e pei o teugatupe, lisi, inisiua ma isi auaunaga ia Mati 2018.



FAAMATALAGA, SUIGA & ATINAE FOU I FAAMAUMAUGA O LE TAMAOAIGA

FAAMATALAGA

O le tuufaatasia o faamaumauga tau i le tamaoaiga e feagai pea ma luitau, o le mafuaaga lea e alagata ai ona matuai lelei ma atoatoa faailoilo e faaogaina ma ia mautinoa ai e iai lava suiga ma iloiloga i faamaumauga aemaise lava i faamaumauga o kuata poo tausaga ua mavae pe afai ae maua nisi faamaumauga fou ma talafeagai ma taiala e tuufaatasia ai faamaumauga tau tamaoaiga.

O lenei ripoti faalekuata ua sefulu valu ai ripoti o faamaumauga tau i le tamaoaiga ua faamatuuina ma o loo faaogaina ai le tausaga faavae o le 2009 (GDP estimates at 2009 prices). E faaauu pea lenei lomiga ma e mafai foi ona maua i luga o le upega tafailagi a le Ofisa o Fuainumera Faamauina www.sbs.gov.ws.

SUIGA

E iai suiga ua faia i faamaumauga i le Vaega o Faletalimalo & Faleai-ma le Vaega o Auaunaga a tagata taitoatasi ma lisi i le ripoti o Tese-ma 2017 ona o suiga i faamaumauga i aofai o tagata faigaluega faapea ma faamaumauga o i latou tafafao mai. O faamaumauga foi o Faigafaiva e leo numera tumau (provisional) ona o loo talia pea le oo mai i totonu o faamaumauga mai le Ofisa O Faigafaiva. E mautinoa le ono suia foi o faamaumauga ua tuuina atu i le nei ripoti i le lumanai ona o suiga i fuainumera o loo tuuina mai faapea foi pe a maea le galuega o loo feagai nei ma le Ofisa, o le suia lea o le tausaga faavae mai le 2009 i le 2013.

FUAINA O LE TAMAOAIGA

O faamaumauga i le tamaoaiga o se taiala aloaia ua faaogaina e Samoa e mataitu ai lona tamaoaiga. Ua faaogaina le taiala faavaomalo ole production approach po o le faaogaina o tupe faasili e maua mai i Oloa ma Auaunaga o loo faatinoina e Vaega Maoti taitasi o le tamaoaiga e fua ai suiga ma le aotelega o le tamaoaiga o le atunuu ina ua maea ona ave ese le tau o oloa mai si auaunaga na faaogaina. E mafai foi ona faapea o tupe mama poo polofiti o Vaega Maoti uma o le tamaoaiga.

Vaevaeina o Vaega Maoti o le Tamaoaiga: O pepa faa-poopo ua tuuina atu ai faamaumauga a Vaega Maoti o le tamaoaiga ma o lona vaevaeina o loo mulimulitai i le taiala faavaomalo o le Vaevaeina o Vaega Maoti o le Tamaoaiga poo le ISIC Lomiga 3.1. E matuai taua le usitaia o le nei taiala ina ia mautinoa le sao o faamaumauga e patino i Vaega eseese ma ia lelei ma atoatoa ai faamaumauga e faamatuuina atu.

- Vaega Muamua (Faatoaga ma Faigafaiva)

- Vaega Lua poo le Vaega o Oloa Gaosi (Oloa Gaosi, Galuega Tele, Eletise & Suavai)
- Vaega Tolu poo Vaega o Auaunaga (Fefaatauaiga o Oloa siitoo, Faleloa laiti ma faletalimalo, felauaiga, falemeli ma fale faaputu-oloa, auaunaga faafaasalalaua ma fesootaiga, auaunaga faafaletupe ma inisiua, auaunaga totogi aso ma fefaatauaiga o fanua, galuega eseese, faasaienitisi, tomai faapitoa, auaunaga lautele, auaunaga faaleMalo, saogalemu, aooaga, soifua maloloina, faatufugaga o tomai eseese ma isi auaunaga.

GALUEGA FUAFUAINA I LE LUMANAI

Suiga o le tausaga faavae

Ua iai le faamoemoe o le a faia le suiga i faamaumauga tau le tamaoaiga i le isi ripoti o le tamaoaiga o loma nei ile faaiuga o Setema 2018. O le a tuufaatasia ai le tele o faamaumauga fou ua maua e pei o faamaumauga mai le suesuega o Tupe maua ma Tupe Faalu a aiga 2013, Suesuega tau Faatoaga ma Lafumanu, Suesuega i Pisinisi ma nisi lava faamatalaga ma faamaumauga taua. O le a iai foi suiga i metotia ma taiala o le a faaogaina mo lenei polokalame o le toe suia o le tausaga faavae.



Ofisa o Fuainumera Faamauina

Vaiga Taula'i:

“Avea le Ofisa o Fuainumera Faamauina ma taitai i le tuufaatasia ma le tuuina atu o fuainumera faamauina sa'o ma le

Vaega o Faamaumauga tau Tupe ma le Tamaoaiga
Maota FMFMII, Fogafale 2 Pusa Meli 1151
Apia, Samoa

Telefoni: (685) 62006 / 29326
Telesi: (685) 24675
Imeli: fsd@sbs.gov.ws